

Uunga siunnersuut: Allagaateqarfeqarnej pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq
(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Saqqummiussissut

Siullermeerneqarnera

Allagaateqarfeqarnej pillugu Inatsisartut inatsisaata allanngortinneqarnissaanik Inatsisartut inatsisissaattut siunnersuut matumuuna Naalakkersuisut sinnerlugit saqqummiuppara.

Allannguutissatut siunnersuummut pingaarnertut tunuliaqutaasoq tassaavoq, Nunatta Katersugaasiviata Allagaateqarfialu kissaatigisimmamagu, Siulittaasup naalakkersuisoqarfiani inatsisinik katersat, toqqortaasivinniit assigiinngitsuniit toqqortaanik imaqartut, toqqorneqarsinnaanerannut periarfissamik pilersitsisoqarnissaa. Tamanna siunnersuutikkut ajornarunnaarsinneqarpoq.

Kissaatigineqarsimavortaaq allagaatinik toqqortarineqartunik atortitsisarnermi tunngaviusut eqaannerunissaat. Taamaattumik siunnersuummi allagaatinik toqqortanik atortitsinermit atugassarititaasut atatinneqarsinnaasut aalajangersarneqarpoq, allagaatit pisariaqanngitsumik ajoqusersinnaaqqunagit.

Tamatuma saniatigut KANUKOKA-p atorunnaarsinneqarnerata, aalajangersakkat tunngaviusut ilaasa oqaasertaliornerisa allanngortinneqarnissaannik pisariaqartitsineq kinguneraa, taamaalilluni kommunini ingerlatsiviit allagaatinik toqqorsiveqarnermi suliaqarnerat toqqorsivimmiititsinerallu pillugit aamma nalunaarsuiffeqarnermut allagaateqarfeqarnermullu pilersaarutitik suliarinnittarneq pillugit maleruagassat aalajangersarneqarnissaat taarsiullugu kommuninut isumaqatiginniarnikkut pissaq.

Taamatuttaaq pisortat oqartussaasuisa nalunaartussaataanerit pillugit aalajangersakkap ilanngunneqarnissaa naleqqutsinneqarput. Toqqortaanik oqartussaasut tigusaqarunik pissarsigunilluunniit, pisortat oqartussaasunit manna tikillugu siusinnerusukkat imaluunniit maannakkut atuuttunit tamanna pillugu Kalaallit Nunaata Katersugaasivia Allagaateqarfialu nalunaarfigissallugit pisortat oqartussaasui aalajangersakkamit pisussaaffilerneqarput.

Tamatuma saniatigut allagaatinut toqqortanut tamanut ammasuunngitsunut pissarsinnaaneq pillugu Naalakkersuisut malittarisassanik aalajangersaasinnaanerannik aalajangersakkamik ilanngussinissaq naleqqutsinneqarpoq.

Tamatuma saniatigut toqqortaasiveqarneq aamma paasissutissat inunnut tunngasut pillugit inatsisitigut maleruagassat akornanni ataqatigiinnerit ersarissarneqarnissaat pisariaqalersimavoq.

Taamatuttaaqq allannguutit erseqqissaatillu minnerusut pisariaqartinneqarsimapput.

Taamatut oqaaseqarlunga siunnersuut Inatsisartuni suliarineqartussanngorlugu ingerlateqqippara.